


Hommage à mōlie

Anaïse
nôs é tçhittie ...



Sincères Condoléances

C'ât aivo brament d'émochion èt ène grante trichtèche qui ai aippris ton dépaît, po ïn monde qu'l'on dit bïn moiyou.

Anaïse n'a pu li, elle a petchi, qué trichtesse. Bïn chur, i saivait que t'étô bïn malaite, mais ï n'musope que t'paitchirait chi vite.

Fanne d'l'ai tiere, épouje aïttenchionnaie, traivaillouse, mère combyè fanne de tiûre, d'aigrun, taignonne engaidgie, brament d'quaiyitè, dyère de défâts.

E ï ai des annaies que t'fais paitchi d'l'Aimicale dès Fraitches-Montaignes, t'és ècmencie en lai chorale. I peu dire que te t'és bïn engaidgie po c'te societaie qu't'ainmaie taint ; qu'çoli feuche c'ment tchaintous èt actouse.

T'ai fais petchi di comitaie d'lai Fédérachion dès patoisaints di Cainto di Jura laivou t'n'és p'ménaidgie tes effoûes en aimoiénant tés aivisaiyes , main chûtôt c'ment fanne des sous, d'lai broètche, t'ai aivu lai t'chairdge de caissiere di temps d'annaies.

Anaïse aivaie di piaiji de v'ni à séainces di comitaie po paitaidgie en-soinne des môments foûes de djâserie è chûtôt lo ptêt r'cegnon que cheu. Tote mai recognéchaince po ton bé traivaille.

Anaïse t'és taint faie po tai faimiye, po l'Aimicale, po lai FCPJ chûtôt po l'patois, po voidgeaie ci bé langaidge. En r'dyaid à son dévouaivement èt son engaidgment, Anaïse f'sait petchi dès tçhînze membres d'honneu d'lai FPCJ èt à t'aivu nammaie maintenouse di patois.

Lai moûe d'enne patoisainte émérite léche ïn grand veûd dain lai rotte dès patoisaints d'lai Aimicale des taignons. Nos sont tus poéchous d'l'ai çhaime quèl é enfûe dains note tiûre ; nos sont tus dépôjîtère de sai mémoûere. Djemais nos ne lai rébieraint, èt en nos, à vétçheraie aidé.

Mai musatte vaint en toi Victor, qu'é brament prit tieusain d'ton Anaïse, malgré tés ennus d'sainté. T'ai fayu bïn di coraidge po péssaie ses môments sôlaints de sépairaie.

I ai r'pris lai chitâchion d'l'ai feuye di QJ

O douçatte mère
Aiprès in due combat
Tes yeuyes se sons çhios
Ton âme dyaije chu nôs
Tai vie n'a taivu qu'aimoé èt devounaïment

Ça bin résumaie, çoli veu to dire

En vos, ces afaints èt ptéts-afaints, i pe vos aichurie qu'vos étînts ses
rais d'soraye ; à Victor, en vos sai faimiye, tote mon aïmitie.

Aidûe Anaïse.

Alle, le 19.11.2021